

At  
sylw:

Gofynnwch am:  
Please Ask For:  
Rhif Ffôn:  
Telephone N°:  
Ffacs:  
Fax:  
E-bost:  
E-mail:  
Cylchlythyr:  
Circular:

Fy nghyf:  
My ref:

Eich Cyf:  
Your Ref:

Dyddiad:  
13.09.2021  
Date:

Annwyl Ymgynghorai,

### **Parthed: Ymgynghoriad - Cynllun Strategol Cymraeg mewn Addysg**

Mae Deddf Safonau a Threfniadaeth Ysgolion (Cymru) 2013 yn gosod dyletswydd ar bob Awdurdod Lleol yng Nghymru i lunio, adolygu ac ymgynghori ar gynlluniau sy'n darparu'r cyfeiriad strategol ar gyfer cynllunio a darparu addysg cyfrwng Cymraeg a'r Gymraeg yn ei ardal.

Ers i'r Cyngor lunio a chyflwyno ein Cynllun Strategol Cymraeg mewn Addysg cyntaf ger bron Llywodraeth Cymru, mae newidiadau sylweddol wedi bod yn y sector addysg cyfrwng Cymraeg ar lefel leol a chenedlaethol. Deddfwriaeth sydd wedi dylanwadu'n bennaf ar y newidiadau yma, yn enwedig y Cynllun Gweithredu Cymraeg mewn Addysg - 2017 i 2021 newydd, ac hefyd gweithredu pellach Rhaglen Ysgolion a Cholegau'r 21<sup>ain</sup> Ganrif Yn ogystal â hyn, mae rheoliadau ynghylch y Cynllun Strategol Cymraeg mewn Addysg wedi'u diweddarau. Mae Rheoliadau Cynlluniau Strategol Cymraeg mewn Addysg (Cymru) 2019 a Rheoliadau Cynlluniau Strategol Cymraeg mewn Addysg (Cymru) (Diwygio) (Y Coronafeirws) 2020 yn canolbwyntio ar bedwar cynnig allweddol, a'r ddau brif gynnig yw:

1. Ymestyn hyd cylch gweithredu'r Cynllun Strategol Cymraeg mewn Addysg o'i dair blynedd gyfredol i ddeng mlynedd (2022 hyd at 2032).
2. Disodli'r ddyletswydd gyfredol ar Awdurdodau Lleol i gynllunio darpariaeth eu haddysg cyfrwng Cymraeg yn seiliedig ar alw ar yr amod bod Awdurdodau Lleol yn cyflawni targedau sydd wedi'u gosod gan Lywodraeth Cymru. Nod y targedau yma yw cynyddu canran y dysgwyr Blwyddyn Un mewn addysg cyfrwng Cymraeg yn ystod cyfnod y Cynllun Strategol yma.

Mae sicrhau ysgolion da yn ganolog i gyflawni'r nodau hyn fel bod gan bob plentyn a pherson ifanc yr un mynediad i addysg gyfrwng Gymraeg ac addysg Gymraeg gadarn. Bydd y Cyngor yn darparu hyn drwy sicrhau bod addysg Gymraeg ar gael i bawb waeth pa anghenion dysgu sydd gyda nhw, o ddechrau'r blynyddoedd cynnar, trwy'r ysgol gynradd ac uwchradd, ac ymlaen at addysg bellach ac addysg uwch. Mae hyn yn cydfynd â'r weledigaeth o gael miliwn o siaradwyr Cymraeg erbyn 2050, fel sydd wedi'i nodi yn nogfen Cymraeg 2050: Miliwn o Siaradwyr Cymraeg.

**Tŷ Trevithick**  
Abercynon, Aberpennar, CF45 4UQ  
Abercynon, Mountain Ash, CF45 4UQ

Ffôn/Tel: 01443 744000  
Ffacs/Fax: 01443 744024

**Gaynor Davies**  
Cyfarwyddwr Addysg a Gwasanaethau Cynhwysiant | Director of Education and Inclusion Services

### **Dewiswch iaith a diwyg eich dogfen | Available in alternative formats and languages**

Croesawn ohebu yn Gymraeg a fydd gohebu yn y Gymraeg ddim yn arwain at oedi. Rhowch wybod inni beth yw'ch dewis iaith e.e Cymraeg neu'n ddwyieithog.  
We welcome correspondence in Welsh and corresponding with us in Welsh will not lead to a delay. Let us know your language choice if Welsh or bilingual.



Er mai'r Cyngor sydd â'r cyfrifoldeb statudol am y Cynllun Strategol, mae gydag ystod o grwpiau a sefydliadau allanol rôl allweddol wrth lunio, gweithredu a gwerthuso ei gynnydd yn rheolaidd trwy gydol ei oes.

Targed y Cyngor yn ystod oes deng mlynedd y Cynllun Strategol yma, wedi'i osod gan Lywodraeth Cymru, yw:

**Cynyddu canran y disgyblion Blwyddyn Un mewn addysg cyfrwng Cymraeg rhwng 8.0% a 12.0% yn ystod oes deng mlynedd y Cynllun Strategol Cymraeg yma. Mae hyn yn cyfateb i gynnydd o 506\* o ddisgyblion Blwyddyn Un mewn addysg cyfrwng Cymraeg i rhwng 720 ac 825.**

***\*Mae'r targed yma'n seiliedig ar ddata CYBLD 2019/20.***

Bydd y targed yma'n cyfrannu at y targed tymor hir cyffredinol sydd wedi'i nodi yn nogfen 'Cymraeg 2050 - Miliwn o Siaradwyr Cymraeg'. Caiff ei gyflawni drwy saith deilliant sydd wedi'u pennu gan Lywodraeth Cymru.

1. **Deilliant 1:** Mwy o ddisgyblion Meithrin / tair oed yn derbyn eu haddysg trwy gyfrwng y Gymraeg.
2. **Deilliant 2:** Mwy o ddisgyblion dosbarth Derbyn / pump oed yn derbyn eu haddysg trwy gyfrwng y Gymraeg.
3. **Deilliant 3:** Mwy o blant yn parhau i wella eu sgiliau iaith Gymraeg wrth bontio o un Cyfnod o'u haddysg statudol i un arall.
4. **Deilliant 4:** Mwy o ddisgyblion yn astudio ar gyfer cymwysterau wedi'u hasesu yn y Gymraeg (y pwnc) a phynciau trwy gyfrwng y Gymraeg.
5. **Deilliant 5:** Mwy o gyfleoedd i ddisgyblion ddefnyddio'r Gymraeg mewn cyd-destunau gwahanol yn yr ysgol.
6. **Deilliant 6:** Cynyddu darpariaeth cyfrwng Cymraeg ar gyfer disgyblion ag Anghenion Dysgu Ychwanegol.
7. **Deilliant 7:** Cynyddu nifer y staff addysgu sy'n gallu addysgu'r Gymraeg ac addysgu trwy gyfrwng y Gymraeg.

Hoffen ni geisio'ch barn ar sut mae'r Cyngor a'i bartneriaid yn bwriadu cyflawni targed y Cynllun Strategol Cymraeg mewn Addysg a phob un o'r saith deilliant. Mae'r ymgynghoriad yn dechrau ddydd Llun, 13 Medi ac yn gorffen am 5pm, ddydd Llun, 8 Tachwedd. Mae sawl ffordd i chi gael dweud eich dweud:

**Ar-lein:** [www.rctcbc.gov.uk/CymrydRhan](http://www.rctcbc.gov.uk/CymrydRhan)  
**E-bost:** [ymgynggori@rctcbc.gov.uk](mailto:ymgynggori@rctcbc.gov.uk)  
**Rhif ffôn:** 01443 425014  
**Post:** Rhadbost RSBU-HJUK-LSSS  
 Carfan Materion Ymchwil ac Ymgynghori  
 Cysylltiadau Cyhoeddus a Strategaeth  
 Y Pafiliynau  
 Parc Hen Lofa'r Cambrian  
 Cwm Clydach  
 Tonypandy  
 CF40 2XX

Yn gywir



**Gaynor Davies**  
**Cyfarwyddwr Addysg a Gwasanaethau Cynhwysiant**